



Broj: JN06-16-4-51-7/23

Datum: 28.07.2023.godine

Na osnovu člana 100. Stav (1) i (3), člana 119. Stav (1) Zakona o javnim nabavkama Bosne i Hercegovine, („Službeni list BiH“, broj 39/14 i 59/22) (u daljem tekstu: Zakon), Zavod za izvršenje krivičnih sankcija, pritvora i drugih mjera Bosne i Hercegovine (u daljem tekstu: Ugovorni organ) postupajući po žalbi ponuđača Yumco Drvar doo Banja Luka (u daljem tekstu: žalitelj) na tendersku dokumentaciju broj: JN06-16-4-51-2/23 od 05.06.2023.godine, Upravnik Zavoda donosi ;

RJEŠENJE

1. Žalba ponuđača Yumco Drvar doo Banja Luka zaprimljena kod Ugovornog organa dana 28.07.2023. godine pod brojem: 06-16-4-1022-45/23, izjavljena na tendersku dokumentaciju u postupku javne nabavke kompleta službenih uniformi br. JN06-16-4-51-2/23 (u daljem tekstu : tenderska dokumentacija) od dana 05.06.2023. godine , broj Obaviještenje o nabavci : 24650-1-1-83-3-39/23 od 05.06.2023. godine, usvaja se kao osnovana.
2. Ugovorni organ će izmijeniti tendersku dokumentaciju za nabavku kompleta službenih uniformi br. JN06-16-4-51-2/23 od 05.06.2023. godine, u dijelu koji se odnosi na član 46. Zakona, tj. na tačku 14.1. tenderske dokumentacije, te će u izmijenjenoj tenderskoj dokumentaciji ponuđači biti u mogućnosti dostaviti original ili ovjerenu kopiju, te neće biti propisano da datum izdavanja originala ne može biti stariji od 3 (tri) mjeseca računajući od dana dostavljanja ponude.
3. Ovo Rješenje stupa na snagu danom donošenja, i isto će se objaviti na web-stranici Zavoda, a izmijenjena tenderska dokumentacija objavit će se na portalu javnih nabavki po pravosnažnosti ovog Rješenja, te će biti dostupna svim ponuđačima.

OBRAZLOŽENJE

Zavod za izvršenje krivičnih sankcija, pritvora i drugih mjera BiH, je dana 05.06.2023. godine na Portalu javnih nabavki Bosne i Hercegovine objavio tendersku dokumentaciju za nabavku kompleta službenih uniformi : JN06-16-4-51-2/23.

Ponuđač, Yumco Drvar doo Banja Luka izjavio je dana 24.07.2023.godine žalbu na tendersku dokumentaciju br: JN06-16-4-51-2/23 od 05.06.2023.godine. Naime, žalitelj je podnio žalbu zbog povrede Zakona o javnim nabavama BiH „(Sl.list BiH“ , broj: 39/14 i 59/22) (u daljem tekstu: Zakon) te smatra da je Ugovorni organ sastavio tendersku dokumentaciju koja je suprotna Zakonu o javnim nabavkama.

Ugovorni organ je zaprimio žalbu dana 28.07.2023.godine.

Prije nego što se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene, kako bi se uopće pristupilo rješavanju iste, a odnose se na uvjetovane pretpostavke propisane odredbama člana 100. stav (1). Zakona, te je utvrdio da je žalba blagovremena, dopuštena i izjavljena od ovlaštenog lica i od lica koje ima aktivnu legitimaciju u skladu sa pomenutim odredbama Zakona.

Žalitelj navodi da ugovorni organ nije postupio u skladu sa Zakonom o javnim nabavkama BiH te da je povrijedio odredbe člana 46. Zakona jer je u tenderskoj dokumentaciji kao uslov za kvalificiranost u smislu : Ponudači trebaju u ponudi dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi s predmetom nabavke. Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude.

Dakle, žalitelj smatra da Ugovorni organ nije imao zakonsko pravo da napiše u tenderskoj dokumentaciji naprijed navedeno jer članom 46. Zakona nije propisano da dostavljeni dokumenti trebaju biti ovjerena kopija originala, i da datum izdavanja originala ne može biti stariji od 3 (tri) mjeseca računajući od dana dostavljanja ponude.

Provjerom žalbenog navoda Ugovorni organ je konstatirao da je isti osnovan te da je Ugovorni organ trebao da postupi prema odredbama člana 46. Zakona. Iz svega gore navedenog Ugovorni organ dana 28.07.2023. godine je utvrdio da je žalbeni navod žalitelja osnovan, te se žalba usvaja u cijelosti.

Obzirom na gore navedeno, a u skladu sa članom 100. stav 3. Zakona o javnim nabavkama Ugovorni organ je ustanovio da je žalba ponuđača Yumco Drvar doo Banja Luka blagovremena, dopuštena i izjavljena od ovlaštenog lica i lica koje ima aktivnu legitimaciju i da je osnovana te u skladu sa navedenim Ugovorni organ donosi Rješenje kao u dispozitivu.

POUKA O PRAVNOM LIJEKU:

Na osnovu člana 100. stav (4) Zakona o javnim nabavkama Bosne i Hercegovine («Službeni glasnik BiH» broj 39/14 i 59/22), protiv ovog Rješenja može se izjaviti žalba Kancelariji za razmatranje žalbi Bosne i Hercegovine, putem Ugovornog organa, u roku od 10 (deset) dana od dana prijema Rješenja.



Dostaviti:

- Komisiji za javne nabavke,
- Službi za opće, pravne i materijalno-finansijske poslove,
- Svim učesnicima u postupku javne nabavke, i
- U spis.